



韓山人詩續集序

元氣流行宇宙間人得其精華發于言而成文



者言之精而詩則又文之精也豈易言哉自世教衰得

元氣之精華者殊尠雖發于言而成詩往往聲音失其

和性情失其正而風雅不得不為之變降至漢魏變而

為選選而又變而為律咸窘于聲偶之拘驚于茫昧之

域取古韵合言之文元氣由是蕩然離散又奚云詩為

文之精乎然其間不與時同變而獨得其精華者其惟

蒙菴韓先生乎先生學古志高不營世故惟寓情風泉

雲壑間燕游笑傲皆發于詩其氣淳其聲和其語柔婉

有不待煅煉而光輝自著不待繪飾而文彩自彰所謂
詩為文之精信然矣昔哀若干首先生之弟公達以錢
諸梓而傳諸世矣然輯有未既其子有孫復萃類鏤板
俾僕叙其首嗚呼僕豈知詩者哉以嘗汎洒門墻有不
得而辭也然先生之詩安敢品藻嘗聞太子少師姚
廣孝評其得性情之正冲澹幽婉無一點塵俗氣廁于
晉唐作者間無忝咸以為然則僕之所謂獨得元氣之
精華而不與時同變者亦必以為然矣遂書以為叙

永樂九年二月望日 文淵閣脩書副總裁脩職郎太
醫院御醫浦江趙友同序

韓奕字公望宋忠獻魏王琦之後其先自安陽再徙居
吳縣之樂橋父凝工醫在藝術傳奕幼端重簡默動作
循矩度雖居塵市而樂事游覽放浪山水間褐衣芒屨
一童自隨往來山僧野客家累月不去或時藉草而坐
微吟長嘯人莫測其意性穎敏博學尤工于詩洪武中
與王賓俱隱于醫賓既為郡守姚善所禮乃復因賓致
奕奕終不往一日與賓詣之奕走楞伽山善隨至奕泛
小舟入太湖善歎曰韓先生所謂名可得聞身不可得
而見也所著有韓山人集

韓山人詩續集

吳郡

韓

奕公望著

五言古詩

耕樂軒為華氏賦

人生各有業我樂在耕田
 四體雖甚勤中無憂患
 牽上古序八政惟食乃其先
 在養儻恣如愠見寧免焉
 耕獲而既周穡事欣逢年
 起時供糧稅餘糧貯屢鼓
 腹衡茅下妻子亦欣然有
 酒時一醉高歌大田篇子
 孫遺以安龐公信為賢

四士圖

性海開士
連善儒士

孟端高士
奕方士也

教異迹雖殊道合心乃同古來羣賢聚相契由深衷
此畫中意翛然林下風有朋來自遠何吝同于宗吾師
釋門秀偶住名山裡客至輟玄談宴坐揮玉麈善也孔
氏徒餘學富文史閑來引童冠游詠佳山水端也出塵
人長年江海上到處訪古跡翰墨寄清賞余獨無所似
老病在蒙養空聞芝三秀知著屐幾兩解后欣相逢山
中玩泉石掇英陽林旦汲清寒澗夕彼此忘所忘來往
適所適黃髮念相期托茲五色筆

江陰縣

偶行江南岼泊舟臨縣城霜餘潦水盡月上寒潮生晚

宿就人煙省俗詢遺氓農商共云庶頻年苦驚兵茲方
復舊業生意稍經營民廬竹樹密里巷鷄犬鳴地僻訟
事簡田寬官賦輕况當更政始民生日以寧客次難久
淹遨遊恣閑情就枕待明發歷歷踈鐘聲

簡陸宗道

客館昨相尋華觴夜共深寧論往時事且慰別來心善
政更伊始餘生樂自今喜多反拭淚飲少詎辭斟漏永
燈垂燼城高月半陰劇談風滿席坐映雪盈簪交淡情
如水心同利斷金曠懷齊得喪流俗任浮沉潦倒精神
王周流力尚任况逢秋未晚誰問歲頻侵砥礪宜加保

塵埃且散襟故園存晚菊舊渚見棲禽年稔禾連困霜
凋竹蒲林親朋還繾綣山水足登臨已近茱萸節聊歌
蟋蟀吟此邦文物盛只恐遇知音

故黃孝婦鄭氏挽歌辭

事姑能孝養世教係天倫 聖治逢今日名家見古人
旨甘供饌早寒燠問衣頻侍案躬嘗食操針待請紉後
先隨冢婦內外睦宗姻課婢條桑柘親身薦渚蘋晝行
寧越閭夜緝每同隣閱家聲舊閨門性賦純上堂猶
問寢畫室忽沾巾彤管詩空咏珠綦迹已陳鏡鸞昏晚
月筭鳳泣餘春香減衣縣篋琴已匣委塵祝辭分外史

銘石信詞臣千載烏程邑人傳婦德新

送會試進士

德化更新日文章復舊時 聖衷深有眷皇監本無私
大易群經首雄詞西漢卑卷呈驚座主奏對肅朝儀金
榜朝光發彤庭晝漏遲湛思茶蓼頌錫宴鹿鳴詩日月
光華滿雲煙步武隨侍臣齊致賀百世太平基

愁霖

仲夏早既甚秋霖仍未休禾穗待堅好大水瀰田疇高
低悉在浸根桿或漂浮三時力已瘁所望在有秋將斂
靡及獲田家奚所求食乃民之天匪但為農憂新租早

追限舊通郵少優公私况無蓄有急誰同周舉家向白
水空視黃天愁淒風來自東雲興尚油油雨暘各愆序
在理寧無由天人實相與致此當誰尤反復洪範篇古
道今不侔矧知中吳地百川匯為州先民重穡事渠堰
謹所收水旱固天意隄防乃人謀書生何補世坐歎空
白頭意將訴真宰仰睇徒悠悠盡念民瘼賴有賢郡
侯秉心淵且塞惠政見仁柔每聞禱山川神意罔不酬
願復孚至化日出照江流宿霾倏而散積潦漸以收下
俾千萬民如病喜獲瘳我歌愁霖曲聊以貽同游

夏日喜客至

竹林不受暑佳木連繁陰客來坐清晝蕭爽舒煩襟枕
簟北窓下木榻山房深嘒嘒亂蟬響關關幽鳥鳴坐久
忘賓主梳茗共論心

留廬山

訪僧山中寺烹茗石上泉夙志在丘壑高風仰先賢宋
宗孤嶂月悠悠白雲天清景一以遇性達形超然矧此
忝文墨累日仍留連榮名古所忌貴以身自全終當謝
流俗于焉盡吾年

包山毛公壇

微茫太湖心諸山此為最宛如海上國平寬納幽邃田

廬錯上下人煙萬家聚
相梨及橘柚栽植窮地利
想當秦漢間尚未通風氣
龍蛇不敢窟人跡未始至
毛公仙骨竒有福當此地
開荒治丹術道成遂仙去
嗟余後千年恨不身親遇
願執洒掃役服勤于鼎器
微生倘有分奠沾于粒棄
嗟峨三尺壇艸藥春來異
縹緲千仞峰煙霞景仍秘
平生出塵想矯首徒仰企
浮雲影悠悠無從候仙馭
山水漫娛人凌風振婦袂

早春閒居

春寒殘雪積幽徑泥轉深
始晴覺晝永空齋肅沉沉
疎梅凍未拆鳴鶴在仙林
睡起高窓下自酌還自吟
唐虞

去世遠攻奪日相尋
載觀古人言閒居樂我心

西湖

不惜目力短不計足力疲
平生好游心至老猶未衰
竭來錢塘縣放迹西湖涯
興至隨所適在處探幽竒
陟嶺仰巉巖臨堤俯漣漪
荒涼隋朝寺剝落唐人碑
借來二人舊游間新知閑
行無次第野飯有提攜
冬晴雲物妍竟日無還期
緬思宋南渡中興實在茲
斯民亦何幸相從樂熙熙
余生百年後不見全盛時
向來歌舞地臺榭空遺基
盛衰固常理運窮非力支
所重有遺愛沒世令人思
周室既東遷行人歌黍離

立春之二日大雪平地三尺吳中五十年無此雪
蕭條江縣空歲暮寒風積雨雪連日夜平地深三尺遠
近宗無喧四顧同一色沾足良可嘉有祥詎能識空街
人跡斷寒光入虛室重衾不知暖厚纊衣猶慄餘生近
老病起卧但微息緬彼遠道人驅馳正行役在物實同
類有懷屬茲夕

北礪寓居

稍與塵境遠且此居田廬形跡亦蕭散屢空恒晏如矧
有山水佳復接親朋居琴觴日共賞文墨亦不疏仲夏
雨始霽綠陰翳井墟萋萋雜卉繁嘒嘒鳴蜩初涼颺滿

高牖清泚流前除興至率游咏北礪玩禽魚意倦還偃
然時覽古人書予以遂真性慮淡情自虛緬彼城郭內
擾擾方愁予

韓山人詩續集

吳郡

韓

奕公望著

七言古詩

題琴趣圖次韻

琴中之趣知者寡山人乃能寫入畫至音寥寥出自然
古調雖高亦其亞昭文不鼓無成虧此論豈非知道者
竭來此畫太丘家清氣滿堂秋洒洒山人愛畫由天機
妙思恍惚春雲飛前年詔入玉堂去此畫人間今已稀
見梅有懷

平生愛花偏愛梅花時一日看幾迴城中有花看不足

一年一度西山來西山深處多古寺寺有梅千百樹
長條叢叢向暖抽密蕾重重冒雪聚一夜春風吹澗谷
開遍枝南與枝北迴映晴光爭白淨暗浮暖氣 清淑
看花反令被花惱不問黃昏與清早日出林間倚筇待
雪深石上褰衣掃別逢一枝脩竹外冷落仙姿映珠翠
獨立無言意悄然似厭塵凡欲離世吳下名園今幾存
凌風却月亦空聞何似此中禪宗地冷然野水棲寒雲
閑士高僧當此時亦來林下共幽期苔磴接觴行送酒
石闌點筆坐題詩只今無復此懷抱花已無多人亦老
夕陽西望舊山青淒涼白髮城中老

韓山人詩續集

吳郡

韓

奕公望著

五言排律

題戴檢校送行詩卷後

久聞從事譽今見送行篇政績當三載還官又幾年正
逢更化始况奉長官賢合府無偏黨同時有折旋文章
資點勘德化贊承宣鈴閣陪談麈疏窓錄奏牋不教文
積案祇用筆如椽美試如金玉餘情到簡編與人閑問
字吏士避婦田碧帶庭前草紅衣幕底蓮正期岡鳳集
奈咏谷鷺遷送別楓橋句清風到處傳

省耕圖為徐邵武賦

郡守多兼職郊行重勸農
養民須食足供國要儲充
不種將何獲惟勤乃有功
一犁先曉日五馬度春風
上下田疇遍提攜婦子同
賢聞婦冀缺俗喜化文翁
地闢家饒利人和歲屢豐
謳歌不能盡寫入畫圖中

韓山人詩續集

吳郡

韓

奕公望著

五言律詩

次韻鑿家十六咏

處方

數品擬成劑千金欲比珍
遠宗炎后氏近法漢朝臣
必中精思徧全竒出意新
無由臻此妙空念極疲民

製藥

雷公遺法在藥妙在精
脩酒浸宜清汁泉烹忌
逆流擇時將和劑滌器
待珍收聖濟雖餘事猶
能遍九州

劇苓

秀自松脂結從根劇始多鶴巢驚樹頂蟻穴破岩阿入
地翻仙窟延年列上科作糜和蜜餌不覺療沉疴

蒸木

藥性并蒸法茅山紀舊聞沸聲疑夜雨浮氣藹春雲生
熟功應異抽添候自存誰能窮物理補錄向桐君

培橘

憶曾霜後摘萬顆綴如金井近泉澆易山靈土養深皇
言傳本草屈頌著文林自古仙家術能兼濟世心

種杏

一林千百樹夏果結春英籠貯金九重湯浮玉板輕虎
巡知漸熟人種喜皆榮換得盈倉穀仍堪助養生

採芝

五色還三秀難同衆草榮采和雲氣潤曝趁日華明岩
谷資嘉遊齋房表至誠人間葷穢物止可飫虫氓

煮石

花乳與雲母蒸來可食人松間安几釜礪底拾荆薪入
口令無味輕身似有神稻梁如可代應可療飢民

艾筐

采得名山艾縫囊欲秘儲色欺冠製鷓樣似袋懸魚世

漫將蕭比人疑佩臭如將治七年病母惜更羸餘

鍼筒

形小如彤管藏針獨妙哉縫裳誰得借臨砭必親開面
識黃金錯身知碧玉裁莫吟詒我句仙伯在蓬萊

藥籠

竹編藏藥具囊篋類同形密護重鋪箬俱收賸采苓節
當封縫紫色映織文青攜向文房去猶堪貯五經

丹爐

太乙名空在陶工製自精釜升金液滿火養玉芽生竅
引飄風發形將偃月成借來供煮茗石鼎沸松聲

著書

自探蘭室秘親向藥窓編在術多竒奧非文莫遠傳藥
糾諸品悞工正衆科全深奧軒岐語湏知出自天

煉丹

一鑪惟自守九轉候何長安識浮沉體仍諳沐浴方祥
光時發艷熟氣暗生香海上求方士千年笑漢王

濟世

莫小刀圭劑全生信有神疲瘵如切已惻隱故推仁經
歲燒丹就逢春采藥頻物民同與意豈為養吾身

通仙

鑿道通仙道兩家如一川由來兼濟物不獨自長年虎
迹隨閑步龍方獻秘傳曾聞丹鼎熟鷄犬亦昇天

寄俞立菴

相望才一里不到已多時家似山中佳人非世上知草
深疑斷路水漲訝平池枕簟竹林下乘涼想最宜

晚卧二首

一榻卧虛堂西窓對夕陽雲生秋後巧風帶雨餘涼藏
扇將尋篋熏衣屢換香可憐黃髮莫滿鏡已成霜
空庭黃葉落相對卧秋風憔悴衰顏似依稀白髮同衆
芳凋已盡流景去將窮惟有中秋月年年照碧空

題楊允素省兄詩卷

近舍常思見他卿豈憚尋寧論夢中事且慰別來心故
苑荆花合春池草色深何當共攜手歸卧舊書林

題耕樂軒

東隴接西疇扶犁自駕牛身勞雖有倦心逸自無憂白
水連村雨黃雲繞舍秋翻思江海上朝夕任沉浮

黃埭舟次

野意入新年清溪獨放船曉行衝坵雪夜泊就人煙古
井梁鴻宅空山陸羽泉老來光景短隨處且留連

送府學生員

郡學明經術吳門射策才例隨升太學文任上官裁春
雨龍河曉晴雲鳳沼開漢廷方尚士爭待賈生來

偶成

雨氣似秋涼時時漏日光林清思卧簟衣潤促熏香散
渚群漚白登場小麥黃老來人事少深愧老農忙

橫山徐昭陽館中

積雨夏如秋空山客尚留蛾飛生麥圃蛙涕亂秧疇采
藥雲迷谷熏衣火滿篝倦來聊隱几歸夢繞漁舟

橫山西隱菴

孤艇溪邊入千峰雨裡登老年雖厭客長夏欲依僧院

古青苔滿林寒宿霧凝解衣禪榻上未覺有炎蒸

寄虎丘長老

幾歲卧松關緣來不得閑僧期與燬寺官請住名山塔
影秋池上經聲曉樹間只輸城裡客相近數相攀

寄祖上人

一榻空山裡悠然與世忘盡心從佛祖餘事到文章水
潔茶添味秋陰桂減香无由來問法一洗夢中忙

病齒

白首卧空林嗟來每獨吟一生塵外想百事老來心秋
水連朝積寒雲落日陰不堪衰朽質衆病日相尋

晚坐

學道未聞道空嗟歲月深無窮天地理有限故人情零
落親朋盡支離老病侵西山遙在望歸夢繞松林

留習里

樂土人多暇新春物自芳連塙皆第宅排日送壺觴平
壤千疇接長江一帶橫不因寒食近隨處且投裝

玩易

拭几讀殘書閉居晝寢餘蓬蒿三徑滿風雨四窓虛夫
運常消長人情在卷舒古人不可見撫卷且躊躇

題春溪酌別圖送鄧英迎親之括蒼

春晴溪上路相送邑中賢花落初斟酒漚隨欲去船亂
山屯紫道古縣入青山綵服趨公館迎親喜共旋

留天平范氏庄

好游忘六月隨處况相留苗稿石田廢蟬聲山寺秋解
衣脩竹下濯足在池頭為問高僧輩何人得自由

晚作

高柳蔭閑扉殘蟬亂夕暉乍涼人覺健久旱客憂飢世
道多消長交情有是非白頭流俗底轉覺寸心迷

題農家壁

雨意夜來足農功今日閑牛羊接村際桔槔倚林間涼

風臨野岬落日滿秋山所憂秋稅急餘事不相關

臘月二十五日夜

梅蘂先春白椒花映酒紅年光愁裏盡世事夢中空舊
賞親朋少懼言婦子同餘生願身健閑咏度春風

對雪

臘日已春朝霏霏見雪飄風微遲未下地暖故先消絮
影投清沼瑤華點翠苔空齋行跡斷幽思轉迢迢

春游

已悟無生理聊為有待游年華雖荏苒春氣正和柔杖
履松間寺琴書柳外舟此生天地內何異一浮漚

春雪

南國春將半東風雪又飛背陽仍委積近晝轉菲微柳
色青還嫩湖光綠自肥扁舟乘興客似汎剡溪歸

出郭

解纜沙邊雪開帆柳外風晴光湖水白春色杏花紅坼
轉梅村入溪從百瀆通歷山看漸近煙樹夕陽中

來月樓

入戶似尋人清光近可親不期時自至每見景常新露
下梧陰冷天高鶴夢頻庾公談咏妙座上滿佳賓

病中二首

竹亂寒窓影花浮暖閣香人嗟歲將盡我愛日初長
煨芋分殘火脩丹校古方不因兼老病未免為人忙
歲月忙中盡煙霞物外思悟來知事錯病起覺身衰
秋早租今薄人遷市每移五湖春浩蕩誰共白鷗期
春興寄坦菴上人
宇宙身將老溪山興莫窮草生連夜雨鳥語又春風
煮茗雲林下尋碑野寺中不知塵外士還有幾人同

獨居

老至常多病春來每獨居雨聲茅屋曉天氣杏花初
洗蓋嘗新酒探囊檢舊書何人相慰宗竟日自躊躇

三月十一日初度口占

茫茫塵土裡六十四年人老病嗟餘日劬勞念此辰
家安貧亦樂身屈道終伸誰種林中杏花開又一春

雜言三首

巷僻蒼苔滿人閑白日遲雨晴春去後身健老來時
鳥語風生樹蘋香水滿池閑情無處遣隨意漫成詩
患病老相尋驅馳日不任無窮惟世事難定是人心
草色池塘晚桐梧滿戶陰高人才只尺誰共寫襟
就几時閑坐臨觴每獨持夢中多舊事老去少新知
歲月常來往山川幾盛衰人生百年內擾擾竟何為

雪洲

高人何處宅積雪滿孤洲自映書中字誰回與盡舟餘
花飄圃樹寒影落沙漚海上跨上聲仙島何須賦遠遊

贈戴檢校

幕中能盡職朝裡也知名考績人爭譽還官吏亦榮鳥
啼廳事宋花氣墨池清勿謂淹寮底文書任不輕

答周士衡

老病隨年至親朋逐日稀經過雖不遠談笑又相違臘
盡雷頻震春交日少暉扁舟如有便林下扣高扉

送道長老住延祥寺

不擇名山住孤踪恐衆聞泉溫茶易熟沙瘦草難耘留
別詩吟雪臨行衲補雲明朝雙樹下華雨晝紛紛

初春閑居

人迹林間靜時光雪後明喧聞鳥鳥樂香識蕙花清家
釀嘗猶溢春衣試已輕深居非避俗性本嬾逢迎

送竇上人

春雲陰欲雪江路淨無泥舊侶同船去新詩到寺題一
身隨處住萬法悟來齊塵俗多離思愁聞谷鳥啼

寄坦菴

獨坐空齋裡思君動遠情青天空雁影白日有禽聲映

沼碧雲渡空塔春草生無由一杯酒花下得同傾

挽范氏母

世仰母儀尊當婦忠義門問安超衆婦致養到諸孫
苔蘚侵衣冷塵埃掩鏡昏曉看埋玉處古柏翳高原

清明次坦菴韻

冷食禁煙時荒城春事遲繁華舊游夢蕭瑟暮年詩
廢井莓苔合空臺燕雀悲誰同花底坐把酒聽黃鸝

春冷尚淒然新晴幾處煙林園寒食後花絮晚風前
明鏡悲華髮狂歌憶少年高飛何處鳥雲外自連翩

次韻坦菴游虎丘

平田西郭外泉石閔林丘古佛松間院游人柳下舟
崖深潭影黑池煖劍光浮幽賞春將晚高情竟莫酬

雲分處與僧賦

孤迹兩相同平居一室中無心共朝夕有限各西東
不雨衣長潤因風戶半空悠悠閑與靜終日在濛濛

白鷺

孤飛將欲下並立詎成行傍葦風披岬窺魚水滿塘
容思佳客比羽憶舞人將看畫聊題句溪山興不忘

黃埭興國寺

粳稻田初熟煙霞日欲西孤舟僧共載古寺鶴同栖
樹

抱溪流合窓陰月影低紀游閑有咏常向壁間題

陸墓

楊柳郭西門人家水上村豐年隨處樂生聚向來繁晚
飯尊全滑村沽酒半渾逢人詢舊俗喬木幾家存

西溪覺林寺

古寺青楓岫斜陽恰到門乍看驚白髮不飲負青樽竹
響風當戶人煙樹隔村歲寒交誼見還記古人言

贈寧上人

煙艇西溪路雲扉竹裡房客來非問法親在不游方省
舊寒松在嘗新早稻香江湖興無限隨處即相忘

新塘

李郭舟同載沿江訊落潮霞明疑有雨芋熟半無苗葦
隱漁人屋槎橫過客橋推蓬吟眺遠去路不知遙

中秋後山中玩月

桂魄初生影蟾光不減明中宵還如晝吟客尚多情天
迴河應淡山高露更清空懷王子晉鶴背坐吹笙

小林居與湯時中賦

何須家在野間井亦超然枉駕來高士憐詞仰昔賢杏
花琴石上荷氣墨池邊吳下多寬宅如君幾處全

獨坐

積雨空齋冷窮冬落木深一貧先世業百懶暮年心
假寐拋書坐憂來鼓缶吟韋君今在近時喜口相尋

橫金龔氏莊

日落人行少溪寒棹去遲好山逢乍到佳士樂新知
村鳩鷄豚社寒蘆鷺雁陂自怜筋力少短策尚堪攜

道上人溪館

澗寒雲欲雪松邊行采苓遠見太湖白思入包山青
林下偶留迹世外猶委形高僧一邂逅夜窓聽誦經

夢覺

戶密香煙暖簾移晝影斜倦來凭竹几夢覺在梅花
興

喪嗟吾道寒暄接歲華故人江海客何事未還家

對餅梅

餅古更泉溫春寒花未繁依依驚歲晚耿耿立黃昏
几映移來影苔分折處痕誰吟東閣句索笑共清尊

白首

白首窮居日青陽改律時猶傾殘臘酒重改去年詩
道大應無得身衰似有期梅梢舊時月還照讀書幃

元日

元日紅椒酒閑居白首人一生塵外想半死夢中身
渚雨漚波冷林香蕙草春少時書籍在空覆滿床塵

筆床送府學生員

架閣名難擬中書自有堂
研屏宜並列茶灶偶同行
兔伏毫偏銳花生夢亦香
入京同在選宜置鳳池傍

寄華學可

園池經廢後白首樂農桑
留客舡停听教孫書滿堂
秧苗水上綠梅子雨中黃
悵別溪山阻悠然興不忘

初夏舟次戲作

老去漸無伴扁舟成獨游
黃鸝鳴早夏綠樹滿芳洲
古迹聞皆訪禪房到即留
名門并利路白首不須由

答時石菴

近接寄來信聞知別後情
閑居無一事侍坐有諸生
池面山搖影田間水出聲
扁舟記曾到門外一溪橫

偶作

桐木列深巷園廬舊是家
晴光迷白鳥秋色剩黃花
荒歲貧難度衰年病易加
親朋朝裡滿幾夜夢京華
造物亦何意區區勞我生
百年渾是夢一事竟無成
易動不堪欲難成事不平
西山山下宅何日返前程

甲子日

冬甲子不雨田家事事宜
已晴收稻早未冷授衣遲
水落蒹葭渚煙清鷺雁陂
喜逢風色好看菊到東籬

十二月朔日雨中

空齋寒雨裡落葉共脩脩超俗嗟身懶懷人恨路遙地
荒天似接歲儉物如消獨有爐中火連宵伴寂寥

雪後

殘雪擁柴扉泥深過客稀春寒梅待放林晚鶴知歸呵
研冰澌滿熏衣火氣微家僮荒圃外採得薺苗肥

出橫塘

未曉出橫塘舟遲覺路長岸痕秋水落曙色海霞涼短

疑作 褐迎霜授新粳帶露嘗山中與僧約不比仕途忙

訪立翁

一過采蓮里云訪采芝翁寒花幽徑晚秋水野塘空涉

世身俱老論心意頗同昨曾期往宿虛館月明中

新歲後

幾世在窮巷先人有敝廬春陰元日後老態暮年餘竹
淨深林雪芸香舊篋書人生稀七十在世復何如

送王宗常

支離江海上老病孰相親迎親隨兒子攜家別故人清
時方重士樂土不妨貧稱壽高堂日鶯花政好春
到郡幾千里長江一水通青衿迎郭外綵服拜舟中齋
饌芹芽白宮墻杏子紅到時須寄信好趁北歸鴻

雨中

不知衰已甚近步亦多難
舊業青山在餘生曉夢殘
新年猶雨雪窮巷政春寒
欲問梅花信門前泥未乾

雜詩

世事方萬變人生空百憂
窮居黃髮暮遠思白雲秋
草木涼風動山川夕照收
餘生知幾日歸夢繞荒丘
宿雨園池滿涼風天際來
青黃蕉葉破紅白荳花開
荏苒餘生短參差物候催
親朋無一在終日漫徘徊
柳外一蟬鳴年華只自驚
上塔看日短入戶覺風清
有患身堪厭無求世少爭
山中桂花發好去遣閑情

留海雲菴

空山秋雨霽滿院桂花香
月色禪房淨泉聲夢枕涼
憤來童宛喜住久主賓忘
况許陶潛飲時時就一觴

過光福訪徐府尹

雲外映清秋溪山到處幽
青山孺子宅綠水故人舟
峰影隨波動林霏帶日收
反思朝裡士未暇此閑游

周士衡挽詩

儒學并儒行于今稱最賢
清風季子邑白首伏生年
函丈林間席耕犁屋後田
阿咸能繼述含笑在重泉

次韵答坦菴

何事負歸期書來更報遲春晴多野興老去少新知柳
色消殘雪鷺羣散遠陂扁舟太湖上幾日定相攜

獨坐

世味老來淡閉門欣獨居一閤僧亦羨多癖友常踈竹
露頭梳冷茶煙夢覺初詩懷并酒興不樂復何如

偶意

殘雪淨園池春風動柳枝貧還存舊業身老見清時留
客嘗新酒教孫誦古詩青山頻在望思欲問歸期

送別趙校書

春日好風光知君意獨傷幾年遠定省中路失行藏樹

色京華近江流浙水長功名雖可念還養有高堂
白首樂新知愁生欲別時前程看易遠後路惜難期江
上留連宿花間宛轉辭逢人須寄信歲晚足三思

次坦菴韻

乍逢雖少憇遽別又長思漫具尋山屐空歌伐木詩鷺
啼憐日暮花發笑年衰蕭散江湖興應知不可期

萍菴僧舡名

飄寄官河裡由来不屬人泊時應到岸行處不沾塵梗
泛同浮世魚吞認化身最無根與蒂何用問通津

簡施建寧

關塞三年別親朋千里思相逢無雜語只說有新詩世
治方新日人間未老時靜中思往事行樂莫教遲

送劉孟功赴召

三十擅才名徵書促去程學期當世用官復舊家聲紅
日長安近江流白下清隨班應銓選授職定非輕

送李彥脩稅戶人才之京

取士亦多方憐君最俊良田疇稱善富州縣起為郎水
駟江楓暗春城御柳長明朝雙闕下只尺近清光

送都道行

乍逢還遽別兩度恨秋風身世行藏異文章道誼同故

家雙闕下別業萬山中從此茗溪上經過興不窮

懷坦菴

強樂無歡懷念舊每在遠平生幾人在同心常燕婉不
恨道路長所惜歲年晚朝看青鏡中白髮看漸短

懷立菴

三年阻江漢每懷相見難如何只尺地累月間幽歡新
知豈不樂舊交良可歎青青松與柏方知在歲寒

立春

開歲當三日逢春第一朝尚寒風正峭未煖雪先消觀
物從身老懷人念路遙荒園逢久旱生菜未堪挑

江村小隱

城近少曾入地幽無與隣
夜漁楓映火春詠水迷津
隔浦歸帆遠當塔浴鳥馴
只除耕釣侶別沒往來人

白首

白首卧衡門身期古道存
學非求世用生不受人恩
夜月梅當戶春寒酒滿尊
是非俱不到何必住深村

留別習里諸公

夜雨江邊艇春寒客裡衣
偶來因訪舊久住欲思歸
村酒和醇凍河豚入饌肥
乍逢仍遠別臨老倍依依

夏至後

氣候朝昏異林塘處處幽
梅黃晴又雨麥熟夏知秋
絃慢琴藏匣衣香火滿篝
老來衣食好此外更無求

中秋懷坦菴

今夜中秋月懷君只獨看
清光空有待孤影不成歡
盃泛金波滿衣霑玉露寒
人生離合夢垂老更多端

送李公巖

天末涼風起蕭蕭入髮華
老來難作客秋晚倍思家
稱意事偏少催人景易斜
定知籬下菊到日正開花

桃塢春濃送歲貢生員

滿塢花如錦飄香送別觴
繁陰分祖席紅雨點行裝
別

思鄉園切榮光雨露香知君借計上休去似劉郎
送左子升還江西

行次山川遍還家歲月新往辭同學友歸拜倚門親柳
色隋堤曉蘋香楚水春由來屠販者亦此謾藏身

送人往戎幕

失身戎馬際微祿僅供親負米街頭雪彈冠洛下塵海
鴻和雨急城柳入年新此別無重惜青雲有故人

元日

茅屋寒江上椒觴曉燭前浮沉淹客境喜思憶新年塔
暖蘭消雪窓晴未散煙無端青鏡裡雙鬢已蕭然

贈山中人

荒歲空山裡蕭然獨掩扉浮雲悲世業白首寄儒衣墓
近時號柏天寒日采薇偶因樵客引谷口候斜暉

挽友人醉死

自得杯中趣俄然逝此身是非塵境夢生死醉鄉人夜
雨空尊泣春雲盡翠新老年哀易動何況是比隣
醉生仍醉死人比飲中仙已試隨身鍾還存種秫田松
楸悲茂苑雨露愴新年同夢君先覺哀歌酌九泉

次韵答王宗常

嗟君荒嶺下高卧日蹉跎古道人来少開門落葉多家

貧因世難身病是詩魔一自山中別流年疾似梭
懶出

畏寒身懶出步不下階除背就朝陽曝頭過午刻梳窓
明新洗竹床塞半堆書隣叟疑稀見因來問起居

澹泊軒與僧賦

高僧本無住一室寄空山水與心同淨雲將意共閑種
松煙外宿乞米雪中還下視營營者何時出世間

逢故人話舊次韻

斯文終古在別恨故人長秋暮逢山寺雲深共石牀時
艱嗟聚散身老惜行藏到處溪山好扁舟興不忘

海雲上人房次韻

古寺環流水閑房閉遠峰坐禪三世斷入社幾人同徑
冷松杉雨樓高鸛鶴風多因行道見別處不曾逢

送盈上人

遍歷江南寺離鄉不計年來時因避地到處即安禪野
語煙中拂溪行雪裡舡無端還故里相別思悠然
老病隨年至親朋逐日稀如何方外友又向俗中歸歲
旱河多泣天寒日少暉衙門迎杖屨莫待柳依依

冬日

窮巷人稀到寒簷日易斜豆收來歲種菊剩過冬花俯

仰生何補逢迎力豈加白頭流俗底忽忽度年華

西歸

客思五湖上秋光九月前
綠紅收渚雨白鳥破山煙
高刹林間寺埽帆樹杪舡
無人共攜手登覽獨悠然

山遊

好遊無冬夏乘興即飄然
斜日孤村路初冬小雪天
亂山衝虎過別浦趁鷗眠
人間曾何得詩增三五篇

過上湖

家事不相關扁舟自往還
鷄聲茅屋外客夢水雲間
汀樹村邊密沙鷗水上閑
故人何處訪田舍繞青山

送無錫縣尹

秩遷無別縣訟息况清時
方慰斯民望俄聞國士推
鷄身移綠水鳧舡隨丹墀
空憶彈琴處簾垂燭影遲

次韵答華寅仲

忽省三年別方當四境清
相逢俱白首多難話餘生
雪後新春近梅邊舊月明
何當重放棹訪舊闔閭城

送僧

一航還上國千里侍名師
又向深山去應將末世遺
江行晴雪後野宿暮鐘時
况有同鄉伴偕行不負期

陪華翁到石橋途次遇雪而還

歲暮窮陰候雲低欲雪天偶過揚子宅空泛剡溪舡帶
雨沾蓬底如花落幔前他時傳故事不負晉人賢

漫興

老病閉門卧不知青草生故人連日別久雨過春晴溜
積荒池水弦寬古瑟聲扁舟五湖上誰共白鷗盟

餘慶堂

誰家喬木底數仞映高堂金散書連屋官多笏滿床落
花迎戶靜浮藻墨池香幸有賢孫子相承守義方

夢綵堂

宦遠難迎養更長每夢歸儼如來舊第恍爾戲斑衣道

路嗟何及晨昏侍不違只愁衙鼓動容易隔庭闈

偶作

老與病相隨尋人似有期身當多事日家值政衰時燕
去空堂壘桐凋舊井枝平生忘未得風月一吟詩

秋夜作

四五十年間能逢幾日閒民生方不易吾道更多難何
處堪長往從誰免大還娟娟秋日影依舊照空山

歲暮

世路猶多難吾生已甚衰愁無人可說貧有俗來欺雨
雪知年晚風波覺路危喜無軒冕累方外自驅馳

宿海雲上人房

古刹松間寺，閑游夢裡身。
雨聲留杖屨，香氣暖牀茵。
僧語禪餘靜，交情道誼真。
老來偏好佛，從此往來頻。

題畫送戍役人

弓箭向邊城，依依去住情。
高堂無侍養，還戍有常程。
杖杜詩誰賦，陽關酒漫傾。
不堪將別意，畫得更分明。

題周知縣山水手卷

閩南山水縣，官况有餘清。
荔子懸岩竇，榕陰出谷鶯。
退衙支笏坐，問俗下車行。
鄉舊因看畫，題詩紀政成。

除夕

白首抱殘書，清貧守弊廬。
百年寧得滿一歲，又將除燭影。
隨寒盡梅花，帶雪踈休輕。
一杯酒，骨肉且躊躇。

三月二日徐耕漁賞牡丹

名花今幾會，白首始相陪。
還見諸孫盛，猶從別館栽。
坐題揮綠筆，倚玩倒金杯。
尚擬明年健，仍當此日來。

月中

月到何時好，秋當此夜中。
珠光生貝闕，桂影落蟾宮。
海澗金波湧，天高玉宇空。
悲歡人事少，今古思無窮。

留陸氏莊

野水綠塘轉，園扉映竹關。
無人因事到，有子在朝還。
甫

里清風舊高堂白日閑停舟一相過累日得開顏
次韵答周士衡

訪舊疑如夢偷生擬學仙閑談千古秘共此一宵眠鷄
犬原同邑桑榆各暮年人生期適意不是愛留連

新歲作

年加六十九身世竟何為戒得嗟衰早知非悔過遲春
寒梅放候江淨雪消時尚欲扶殘病山中訪舊知

計翁家與夏居士對雪

歲暮空江雪歸舟路正長共談方外事暫息夢中忙杯
泛醇猶凍爐煨芋已香未堪期去住雲氣正茫茫

送別夏居士

歲暮空城雪相逢話別時天寒征袂薄江遠去帆遲沙
鳥迎幽徑園梅發舊枝到家元日酒堂上捧金卮

雪後懷智師

陋巷春泥滿衙門晝不開倦看書乍掩假寐夢頻回池
淨初消雪林寒未放梅憶師何處寺石上玩蒼苔

晚思

寥落舊林廬人間事漸疎清寒香雪後遠照夕陽餘苔
色塔前石芸香案上書文章無用久夙習未能除

中秋

今夜中秋月相看
在病中無因求免藥
有夢到蟾宮
孤影從誰共清光
自古同老來
辜好景愁思若為窮

寄王宗常

秋來兩病翁
一縣各西東
尺素空相問
清尊莫與同
徑荒秋沒草
人靜晝鳴蛩
却憶僧房桂
清香月影中

九日病中

寥落老來心
偏驚歲月侵
肅霜殊應候
秋雨易成霖
身病衣先授
情孤酒滿斟
意多悲世短
空憶晉人吟

寄復上人

古寺一相訪
山林秋暮天
塔庭交樹石
樓閣闕香煙
城

遠休行乞年
高尚坐禪聽
談方外事
應恨俗情牽

范宗暉別

相逢又相別
堪喜復堪愁
殘燭僧房榻
孤帆雪後舟
違親留上國
扶病客諸侯
何日成歸計
還尋舊水丘

送徐伯里

未遂養親計
聊為童子師
郡城開館處
雨雪別家時
野水侵江檻
寒雲落硯池
故家文物盛
清苦見操持

次韻答坦菴

迢遞雲山外
身名老更藏
閑吟留別館
舊學念同堂
巾烏煙霞古
林泉檜相香
寧知城裡住
草沒狀元坊

白首人間世支離衆病餘床前時煮藥架上久拋書江
海將何往乾坤本寓居相逢談舊事燈影夜窓虛

冰檠軒與僧賦

戒行如水藥名軒示意深鑿時秋井凍采處夕雲侵色
向玉壺潤方從金匱尋不因知物性那得見師心

閏重九

三逢重九閏六十二年華人老身惟病秋遲菊未花閉
門誰見慰止酒不須賒今古登高賦空聞起歎嗟

病中

自入秋來病身猶不下堂雨愁連甲子閏喜兩重陽窓

暗非關霧林疎不待霜客來談笑語塵慮暫時忘

次韵答李公嚴

喜來西郭外教授坐西堂野味供朝饌清談送夕陽池
萍生積雨門柳落清霜不責賓師禮人情重故鄉

東館中雜詩

空江連夕雨同在客窓聽燭為吟頻剪杯因話每停春
寒梅未白雪淨竹偏青已覺多歸思漁舟問遠汀
春酒方堪醉離歌未可聽故人看漸少好景去難停積
雨漚波綠輕煙草色青再須移小艇閑咏入華汀
客裡逢多士清吟日屢聽情如秋水淡思比夕雲停鷗

影沙邊白茶煙竹裡青
婦期未可問春雨暗前汀

獨卧

高堂四壁空白首卧衰翁
往事浮雲散餘生落日同
早蟬鳴柳樹晚蝶繞幽叢
惟有青山色多情在望中

樓節婦

之死生前誓多賢身後旌
雙桓當日建五馬到門榮
表異清時政揚名孝子情
府君徐孺子書法甚分明

次韵梁用行訪定上人疾

不向城西步從師問候稀
却知脩藥品還自卧松扉
日晏才分鉢冬深未綻衣
此身稱四大曾喻一塵微

雜言

力疾坐凭几林間白晝遲
雨晴花落後客至酒空時
道大應無得形衰似有期
閑思百年事堪喜亦堪悲

雨晴

春雨晴猶冷年衰戀枕帷
新煙寒食後長至晝眠時
花落風迴樹萍浮水沒池
此生霞外想空有白鷗知

初秋

北戶風初起南塔日已侵
一經先世業萬事老來心
暑退踈團扇寒來問舊衾
尚餘山水興好景一登臨

華叔端枯木竹石畫

端也名家後齋居一畝宮脩篁深霧雨喬木足霜風瘦
潤蒼崖石織香碧草叢子猷時見訪特寫入圖中

東歸

隱几卧舟中揚帆喜順風獅音知異縣物序入初冬積
水連天白殘霞隔渚紅離家才兩月歸思已匆匆

故太醫院使肅齋先生戴公輓詩

今代軒岐學公當第一人名聞四海重官拜兩朝新
忽掩重泉夜空看百草春嗟余同道術聞訃淚沾巾
大闡師家學承思在九天方探金匱秘香拂御爐
煙方被還山詔俄聞入地仙禁方傳後世不獨華陀

賢



